

9407 hende 32 instancia mas prensa a participa na Caribe Wave 17



ORANJESTAD – Gradicendo prensa pa nan aporte y participacion na e Caribe Wave 17, cual e aña aki tambe mester a wordo evalua basa ariba e escenario presenta door di UNESCO.

Obhetivo y Meta

Caribe Wave 17 ta un wordo entrena ultimo añanan den e luna di Maart. E obhetivonan di e Caribe Wave 17 ta pa entre otro:

1. train y evalua e “Tsunami Early Warning System” na nivel nacional
2. evalua e uzo di boletin di alerta su tempo di alarma mas tanto cu ta posibel
3. evalua e preparacionnan cu tin pa sosode den caso di un eventual tsunami

For di e 3 obhetivonan principal tin mas sub- metanan cu a evalua y tambe pa confirma si nan ta valido of lo tin cu haci adaptacion etc.

Scenario y participacion

E scenario tabata un temblor na costa di Cuba, caminda cu lo haya e informacion/boletin cu tin un alarma pa un tsunami di cual den un tempo di menos cu 2 ora Aruba lo sinti su efecto.

Esunnan cu participa na Caribe Wave 17 a train:

- Total di 32 instancia cu a participa entre Gubernamental, NGO y Hotelnan
- En total di 24 a practica un tabletop caminda cu e personal clave segun nan manual lo sinta na mesa y ta pasa scenario pa scenario, ca-

minda cada persona presente lo duna di su parti kico e lo haci den un situacion di tsunami.

- En total di 11 instancia a drill nan evacuacion mirando cu nan a cay den e zona di evacua.
- Total di 8 a practica e parti Functional di nan manual caminda cu no solamente a evacua hende pero a mobilisa nan ekipo pa parti mas sigur y asina haci uzo di e materialnan pa despues brinda asistencia.

Rol di Radionan on the Air

Pa cu Caribe Wave 17 a evalua alarma e comunidad via radio emisoranan caminda comunidad lo a yama studio confirma cu nan a scucha e alerta pa

despues e informacion wordo manda y analisa na Landelijke Coördinatie Center(LCC). E bialha aki a evalua evacuacion completo for di e costanan di Aruba uzando tur medio di aviso pa cu e comunidad. Pa prome bialha a pidi pa Prensa participa activamente na un ehercicio nacional, cual talbes pa motibo di ta prome bialha e participacion activo durante e fase di alarma e comunidad tawata minimo, ta tin miembro di prensa cu si a participa activo durante e fase di alarma comunidad. Bureau Rampen Bestrijding hunto cu Meteo ta masha agradecido pa e atencion cu prensa skirbi, televisa y scucha a duna e Caribe Wave 17 pa e ultimo 3 simannan.

Resumen

Un total di 9407 persona a participa na e ehercicio di 32 diferente instancia y prensa Arubano.

Bureau Rampen Bestrijding ta satisfecho cu e participacion y resultado di Caribe Wave 17 Caminda cu a logra un adelanto remarcabel den tempo pa cu un bista di e situacion na Aruba prome cu e prome olanan di tsunami a yega costanan di Aruba alrededor di 11:47 di mainta.

Den e ehercicio aki a haci uzo di tur forma pa alarma, telefon, mobilephone whatsapp, facebook y radio emisoranan. Despues cu e prome fase a termina alrededor di 12.00 merdia, pa mas of menos 1.40 p.m. e instancianan di prome auxilio a haya un bista di kico a sosode y dañonan calcula haciendo uzo di un helicopter di Kustwacht y asina tambe nan por bay bek den nan cluster e traha nan plan di accion. Remarcabel ta cu den e ehercicio aki no a train e parti tactico ni strategico, kiermen e parti operacional cu ta sinta den e crisis centrum di cada departamento/ instancia mester traha e plan di accion. Pa prome bialha na Aruba tawata tin asina tanto hende y instancia cu ta train y pa 72 ora largo.